

Rep 35341-9/5

LES

SOUËTS DE BOUNO ANNADO

A LA

FAYSSOU DE GOUDOULI

PER L'ANNADO 1876



*Ça, ça, began tant que pouyren,
E tant que pla beouren, biouren.*

GOUDOULI.

Escoutats, se bous play,
Ço que souëti le may :
Q'uaoujets las potchos plenos,
De cadéous é d'estrenos,
Car oungu'an ne dounaren,
 Ne recebren,
 Noun farciren.

Souëti joujous, toustous,
Cocos é *merdassous*
A toutis les maynatges,
Fols de gruos, d'imatges ;
Car oungu'an, coumo cad'an,
 Y'n croumparan
 Ne brisan.



Souéti forço galants ,
Forço pounpouns, rubans,
A toutos las filletos,
Jantios é poulidetos ;
Car ougu'an fiançaran,
Dounzelaran,
Noços faran.

Souéti qu'aujets boubous,
E se n'an de millous,
Qu'OULIBIÉ de la Poumo,
B'anirey dire à Roumo ;
Car oungu'an ne chucaren,
Ne cruscaren,
N'oun bourraren ;

Qu'ANCELY l' bijoutié,
De toutis le prumié,
Debite per centenos,
Mostros, pendens, cadenos ;
Car oungu'an mostro faren,
Ruisselaren,
D'or et d'argen ;

Que le taillur DULOR,
Qu'habillo qu' l' mylord
E que le fasiounaple,
Fasco toutjoun miracle ;
Car oungu'an faquinaren,
 Fignoularen,
 Ngus carraren ;

Que FONARMO, bantat
Per soun bi blanc muscat ;
Que sas briochos mouffletos,
Bous dounen embejetos ;
Car oungu'an n'en gouliren,
 N'oun coufflaren,
 E pintaren ;

Que BLANC le pastissié,
E may chocolatié,
Que fa *florès* en bilo,
Bende cocos à pilo ;
Car oungu'an ne minjaren,
 N'en gloutiren,
 N'oun crebaren.

Souéti que mous couplets,
Bous troben pla fierets,
Qu'aujets forço finanço,
Per poude fa boumbanço ;
Car oungu'an festejaren,
Riboutaren,
Ripaillaren ;

Que jamay cap d'aygat,
N'emporte taoulo, plat ;
Surtout que la Garono,
Escoute la Madono ;
Car oungu'an tout Sen-Subra
Se bastira,
Fierejara ;

Qu'enfin bous pourtets pla
Tout l'an qu'anan passa ;
Que de la bido entiéro
Se parle plus miséro ;
Car oungu'an baloucharen,
É, l'an que ben,
Redouplaren.

M. C.

EN VENTE DANS TOUS LES KIOSQUES

Toulouse, typ. Mélanie DUPIN.



526-6